

Kelebihan Kitab Suci al-Qur'ān al-Karīm

Rencana ini, adalah sambungan yang dimuat dalam Majalah Qalam bilangan yang lalu dari ceramah yang

telah disampaikan dalam persidangan “Muktamar Al-Qur'ān al-Karīm yang Ketiga” yang diadakan oleh *Jam'iyyah al-'Ulamā'*

India Selatan di Dewan Peringatan Victoria Singapura pada hari Ahad 19.9.1965 yang lalu.

(Disusun oleh: al-Ustaz Sonhadji Mohamad)

Firman Allah *Yā ayyuḥā al-Ḥadīnā āmanū idhā tādīyāntum bādaynī*

ilā ajali m-musammā faktubūh.

Ayat ini menyeru orang-orang Mukmin supaya mengatur perekonomian mereka. Jika membuat perhitungan hendaklah dituliskan. Penulisnya hendaklah bersifat jujur yang akan menuliskan semua hutang – baik jumlahnya kecil mahu pun besar. Pakailah pula saksi-saksi jika diperlukan. Semua tadi ialah untuk memelihara harta jangan sampai hilang, di samping mereka dapat mengelakkan diri dari pertengkaran, dan supaya harta tersebut dapat dibelanjakan ke jalan yang direddai oleh Allah.

Jika berlaku permusuhan sesama orang Mukmin yang mungkin melibatkan perperangan, hendaklah segera diperdamaikan. Dalam hubungan ini Allah telah berfirman *Wa in ṫā'ifatāni mina al-mu'minīna qatatalū fa aslihū baynahumā*

Ertinya: “Jika dua puak di antara orang-orang Mukmin berperang-perangan, hendaklah kamu damaikan di antara keduanya.” (9/49)

Firman Allah yang lain pula *Innamā al-mu'minūna ikhwatu fa aslihū bayna akhawaykum*

Ertinya: “Hanya sanya orang-orang Mukmin itu bersaudara, sebab itu perdamaikanlah antara dua saudara kamu.” (10/49))

Maksud ayat ini: Biar pun orang itu berlainan

bangsa, berlainan bahasa, berlainan warna kulit dan berlainan tempat tinggal atau negeri, jika mereka itu orang Mukmin namanya, semuanya bersaudara di dalam satu agama, iaitu agama Islam. Hendaklah perselisihan di antara dua saudara didamaikan. Sedangkan mendamaikan sekecil-kecil kumpulan hukumnya wajib maka lebih wajib lagi mendamaikan kumpulan-kumpulan yang besar, supaya tidak besar pula perpecahan di antara umat Islam.

Di dalam al-Qur'ān dinyatakan juga bagaimana caranya agama Islam iaitu disiarkan dengan perpaduan firman Allah *Ud'u ilā sabīla rabbika bi al-hikmafi wa al-maw'izati al-hasanafi wa jādilhum bi al-laṭīhiya aḥsanu. Inna rabbaka a'lamu biman qalla 'an sabīlihi wahuwa a'lamu bi al-muhtadīn.*

Ertinya: “Serulah (manusia) ke dalam agama Tuhanmu (Ya Muhammad) dengan kebijaksanaan dan pengajaran yang baik, dan bantulah mereka itu dengan cara yang lebih baik. Sesungguhnya Tuhan engkau Dialah yang lebih mengetahui akan orang-orang yang sesat dari jalan agamanya, dan Dialah yang lebih mengetahui akan orang-orang yang mendapat pertunjuk.” (125/16).

Maksudnya: Untuk memanggil manusia ke jalan Allah dan mengajarkan agama kepada orang ramai, Islam mengajarkan supaya memakai cara kebijaksanaan, dengan ilmu dan hikmah

dengan memberi pengajaran yang baik, berdasarkan pertimbangan buruk dan baiknya, mudarat dan manfaat, untuk diri dan masyarakat. Jika dilakukan perbahasan dan perdebatan, hendaklah secara baik dan sopan mengemukakan dalil atau alasan masing-masing dengan secara hati terbuka akhirnya Tuhan akan menunjukkan juga siapa sebenarnya yang sesat jalan dan siapa pula yang mendapat pertunjuk ke jalan yang benar.

Kemudian Qur'an telah menerangkan pula tentang sifat orang yang beriman. Sebagai contoh Allah telah berfirman

*Inna al-ladhīnā āmanū wa 'amīlū al-ṣālihāti wa aqāmū al-ṣalāta
wa ātaū al-zakātā lahum ajruhūm 'inda rabbihim wa la khawfū 'alayhīm
wa lāhūm yahzānūn.*

Ertinya: "Sesungguhnya orang-orang yang beriman, beramal soleh, mendirikan sembahyang dan mengeluarkan zakat, bagi mereka itu pahala di sisi Tuhan mereka. Tiada mereka takut dan tiada pula mereka berdukacita."

(277/2)

Maksudnya: Orang-orang Mukmin itu bukanlah hanya setakat beriman sahaja, tetapi yang penting ialah beramal, iaitu amal kebajikan atau amal yang baik. Beriman dan beramal yang baik kedua-duanya tidak boleh dipisahkan dari seorang yang mengaku dirinya Mukmin. Sebagaimana mendirikan sembahyang dan mengeluarkan zakat harta juga tidak boleh dicuai-cuaikan oleh seorang yang mengaku dirinya Muslim, Kalau dasar-dasar ini ditepati dan ditunaikan oleh orang yang beriman, sesungguhnya mereka tidak akan didatangi perasaan takut dan tidak pula merasa berdukacita semasa menghadapi sebarang cabaran.

Di dalam Qur'an Allah menyatakan bahawa segala isi bumi ini dijadikan untuk faedah seluruh umat manusia, sebagaimana firman *Huwa al-ladhī khalaqa lakum ma fī al-ardī
jamī'ān.*

Ertinya: "Dialah (Allah) yang menjadikan segala isi bumi ini untuk kamu semua." (29/2)

Firman Allah yang lain *Alam tarāw anna Allāha sakhhārālakum
ma fī al-samawāti wa mā fī al-ardī wa asbagha alaykum ni'mahu
zāhirātā wabātīnata*

Ertinya: "Tidakkah kamu perhatikan bahwasanya Allah telah menjadikan apa-apa yang di langit dan di bumi, dan dicukupkan yang lahir dan yang tersembunyi untuk kamu." (20/31)

Maksudnya: Allah menyediakan nikmat yang tidak terkira untuk manusia, ada yang terlahir dan ada tersembunyi, asalkan rajin berusaha untuk mendapatkannya, nescaya dapat dikuasainya.

Firman Allah pula *Allāhu al-ladhīnā sakhhārālum al-baḥra
litajrīt al-fulkū fīhi bi amrihī wa litabtagħū min faḍlihī wa la 'allakum
tashkuru nāna. Wa sakħħa aralālukum mā fī al-samāwāti wa mā fī
al-ardī jamī'ā minhu inna fī dhalika la ayātī liqawmin yatafakkārūnā*

Ertinya: "Allah itulah yang menjadikan lautan untuk kamu, untuk melayarkan kapal di atasnya dengan perintah Tuhan, dan supaya kamu dapat mencari kurnia Tuhan, dan mudah-mudahan kamu berterima kasih." (12/45)

"Dan diadakan-Nya pula (untuk keperluan kamu) apa-apa yang di langit dan yang di bumi (semuanya datang), daripada-Nya sesungguhnya hal yang demikian itu menjadi bukti-buktii bagi kaum yang memikirkan." (13/45)

Perhatikan pulalah akan firman Allah ini
*Wa huwa al-ladhī ja'ala lakum al-nujūma litahtadū bihā fī zulūmāti
al-barri wa al-baḥr qad faṣṣalnā al-āyātī ya'lamūnā*

Ertinya: "Dan Dialah yang menjadikan bintang-bintang untuk kamu, supaya kamu dapat mengetahui jalan dalam masa gelap di daratan dan di lautan. Sesungguhnya telah

Kami jelaskan keterangan-keterangan bagi kaum yang mengetahuinya.”

(79/6).¹

Allah juga menyatakan tentang adanya berbagai-bagai keperluan manusia yang amat besar gunanya misalnya firman Allah

Wa anzalna al-hadīd fīhi bā'sa shadīda wa manāfi'ū li al-nāsi

Ertinya: “Dan kami turunkan (adakan) besi, di dalamnya ada kekuatan yang besar dan berbagai-bagai manfaat bagi manusia.” (25/75).

Firman Allah *qul wa alannā lahu al-hadīda. Ani a'mal sābihātī wa qaddir fi al-sardi wa a'lamū ṣālihā innī bimā ta'malūna baṣīru*

Ertinya: “Dan Kami lunakkan besi kepada Nabi Daud.

Buatlah baju besi, dan ukurlah persambungannya dan kerjakanlah amal soleh. Sesungguhnya Aku (Allah) memperhatikan apa yang kamu kerjakan. (10-11/34).

Kedua-dua ayat di atas menunjukkan bahawa Allah telah mengadakan besi sebagai benda logam yang amat kuat lagi berguna kepada manusia, untuk mereka pakai semasa aman, lebih-lebih lagi semasa perang. Negeri-negeri yang banyak mempunyai kilang-kilang besi, tak dapat tidak menjadi negara yang kaya, kuat dan disegani, kerana banyaknya jentera-jentera, alat-alat perang dan segala macam jenis kelengkapan dapat mereka keluarkan dengan banyaknya. Kaum Muslimin mestilah insaf, bahawa besi itu amat besar gunanya. Oleh sebab itu wajiblah mereka berusaha mengeluarkannya dari perlombongannya, supaya mereka dapat setanding dengan umat-umat yang lain.

Perhatikanlah pula akan firman Allah ini

Wa al-'āma khalaqahā lakum fī hā dif'u wa manāfi'ū wa minhā ta'kulūna.

Wa lakum fī hā jamālu hīna turīḥūna wa hīna taṣraḥūna.

Wa taḥmilu athqālakum ilā baladi lam takūnū bālighihī illā bishiqqī al-anfuṣī inna rabbakum lara'ūfu rahīmu. Wa al-khayla wa al-bighāla wa al-ḥamīra litarkabūhā wa zīnata wa yakhlūqu mā lā ta'lamūna

Ertinya: “Dan binatang-binatang ternak itu, Allah menjadikannya untuk kamu. Daripada kamu mendapat pakaian yang panas dan bermacam-macam manfaat, dan setengahnya kamu makan.” (5/16) “Bagi kamu bintangang-binatang itu ada keindahannya semasa kamu masukkan ke kandang dan semasa kamu lepaskan (mencari makan).” (6/16) “Dibawanya beban kamu ke negeri yang kamu tidak boleh sampai melainkan dengan bersusah payah. Sesungguhnya Tuhan kamu Penyantun lagi Penyanyang.” (7/16) “(Allah menjadikan) kuda, baghal dan keldai untuk kamu tunggang dan jadi perhiasan, dan (Dia) menjadikan apa-apa yang kamu tiada mengetahuinya.” (8/16)

Ayat-ayat di atas tadi diturunkan oleh Allah semasa orang-orang Arab dahulu masih lagi menggunakan binatang-binatang ternak seperti yang disebutkan di atas untuk mereka pakai dalam pelayaran, selain sebahagian dagingnya mereka makan dan bulunya merekajadikan pakaian di samping menjadi harta kekayaan dan perhiasan untuk menyukakan hati mereka. Tetapi sekarang, di zaman yang serba *modern* ini dan di zaman yang serba maju ini, telah dapat diciptakan orang alat-alat pelayaran itu berupa kapal, kapal terbang, motokar, keretapi dan berbagai-bagai alat kemudahan lainnya. Segala macam jenis dan bentuk alat-alat kemudahan yang baharu yang ada sekarang ini dan yang akan direka orang di masa yang akan datang, semuanya termasuk dalam firman Allah tadi yang berbunyi *wa yakhlūqu mā lā ta'lamūn* Ertinya: “Dan Dia (Allah) menjadikan apa-apa yang kamu tiada mengetahuinya.”

Inilah keajaiban al-Qur'an. Semenjak 1000 tahun lebih, Qur'an telah menelah dan Qur'an meramalkan, bahawa kelak akan terjadi kenderaan aneh-aneh dan ajaib-ajaib. Tetapi kenderaan-kenderaan itu tiadalah akan muncul dengan tiba-tiba, melainkan mestilah dengan mempergunakan akal dan fikiran mestilah dengan usaha, ikhtiar dan percubaan yang

¹ Sebenarnya adalah (97/6)

dilhamkan oleh Allah kepada orang yang merekanya. Dengan akal dan fikiran, serta ilham yang dikurniakan oleh Allah kepada seseorang perekah itulah sebabnya timbul alat-alat baru yang menakjubkan yang dahulunya tiada mengetahuinya.

Sebagai mengakhiri syarahan saya mengenai "Kelebihan Kitab Suci al-Qur'an al-Karīm" ini, saya berseru; marilah kita seluruh umat Islam mempelajari terus isi-isi al-Qur'an kerana dia mengandungi ilmu pengetahuan yang sangat luas. Selain membacanya sahaja kita dapat pahala, maka kita akan mendapati pula daripadanya faedah-faedah yang sangat berharga. Jika kita selalu membaca Qur'an, dan memahaminya, nescaya akan terbukalah bagi kita rahsia-rahsia yang terkandung di dalamnya. Oleh sebab itu hendaklah tiap-tiap orang Islam membiasakan membaca Qur'an, meskipun hanya beberapa ayat tiap-tiap hari, semoga bertambah keimanan kita dan menjadi penerang hati. Mudah-mudahan Allah memberi kita taufik dan hidayah-Nya untuk beramal dengan suruhan-Nya sesuai dengan yang disyariatkan-Nya. Tuhanlah sebaik-baik Pelindung dan sebaik-baik Penolong.

Beribu-ribu kaum Muslimin telah mengadakan sembahyang Syukur kerana kemenangan Pakistan di atas serangan India. Sembahyang itu diadakan di Masjid al-Aqsā sesudah sembahyang Jumaat pada 24 September. Mereka sembahyang sambil berdoa semoga Pakistan mendapat kemenangan dan berdoa semoga pejuang-pejuang yang telah gugur itu kerana negaranya dan kerana Islam telah diterima sebagai syahid oleh Allah.

* * *

431 orang telah terbunuh dan 376 orang awam telah cedera di beberapa tempat di barat Pakistan terbit daripada serangan angkatan udara India selama 17 hari.



al-Malik Hassan Raja bagi Maghribi bersama-sama dengan *Jalālah* al-Malik Faisal tatkala hadir di dalam Persidangan Ketua-Ketua Arab bagi Kali yang Ketiga yang telah diadakan di Casablanca.

—〇〇—

Shaykh Aswazi Ahmad Sulaiman seorang ketua agama yang terkenal di 'Arabiyyah *Sa'ūdiyyah* telah menulis surat kepada Sayyid Abu 'Ala al-Maududi amir Jemaah Islam di Pakistan menyatakan bahawa suatu jawatankuasa khas telah ditubuhkan di Mekah, Madinah, Jeddah, Ta'if dan Riyadh di 'Arabiyyah *Sa'ūdiyyah* kerana berdiri tegak dan menyokong mujahid-mujahid Kashmir melepaskan tindasannya daripada penjajahan India.

* * *

Apabila seseorang mendapat pangkat yang tidak setimpal dengan kecerdasannya, berubah keadaan diri dari biasa. Akan tetapi, kalau jabatannya dirasanya kurang daripada apa yang dilakukannya, nescaya tidak akan menyebabkan perubahan tingkah lakunya. – (Abdullah bin Ba'am)

